

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

VIII. Octingenta.

**urn:nbn:de:hbz:466:1-14259**

## CENTURIO. CAP. XIX.

**A**C, ne lene quid attigisse videamur, eadem trapezitarum nota in plerisque veterum monumentis adsculta, centurionis signum habebatur. Ostendit mihi Roma vetustum admodum monum-<sup>Note 7.</sup> mentum ex marmore Thomas Petrosantius, vir antiquitatum hujusmodi studiosissimus: in quo & <sup>Centuria.</sup> signum id incisum erat, & verba rem interpretantia, in hunc modum addita.

## SIGNUM CENTURIONIS, 7. CAP. XX.

**E**T Bononiae inscriptionem vidiimus ad C. Petronii ædem, in qua signum idem eodem significato incisum spectatur. Romæ etiam apud Paulum Cæsium Cardinalem inscriptionem vidi ejus nota, quæ sic incipit:

M. POMPEIO. M. F. ANIAS PRO 7. LEC. XV.

APOLLINAR. 7. COH. III.

& quæ multa ibidem insculpta sunt militaria, de quibus in Armorum commentario abunde memini-  
B nimus.

## DEUS. CAP. XXI.

**N**ON erat autem otiosum Septenarii nomen, quod hieroglyphicum esse Dei Philolaus asseverat: <sup>Septenariæ</sup> quippe quod ea sit ejus numeri prærogativa, ut ipse sibi similiis, alter ab aliis sit, veluti Deus, dux <sup>prærogati-</sup> & princeps universorum solus, semper singularis & immobiliis. Inter enim ea, quæ intellectu percipiuntur, septenarius sine motu est, neq; quicquam patitur. Nam alii numeri partim generant non <sup>94.</sup> geniti, partim generantur, cum minime generent: alii utrumq; obeunt munus, solus vero septenarius utriusque conditionis immunis. Unitas quippe à nullo prorsus genita, numeros omnes quotquot habentur, generat. Octo vero generantur à bis quatuor, nullum autem generant. Nam numeri hic infra denarium intelligantur. At quaternarius eorumdem, & parentum & liberorum jus obtinet, o-  
ctonarium quippe gignit, à bis duobus ipse genitus.

## PALLAS. CAP. XXII.

**Q**uorum cum nihil accidat septenario, quod sine matre sit, quodq; virgo Palladi assimilatur, & quorundam symbolico hoc utentium idioma mos fuit summi Dei sapientiam vocabulo si-  
gnare; Palladis interpretari: quanquam ubi figuræ mathematicæ aliquot hoc commentandi gene-  
re declaravimus, ternarium & quæ septenarius significata habeat in Divinis literis, dicenda sunt hic  
satis fuerit pauca hæc attigile.

## OCTO OCTINGENTA. CAP. XXIII.

**M**Edius itaque auriculari adjactus, ita ut una cum eo extremam volæ partem apprimat, octo-  
narii numeri hieroglyphicum erit in lava: in dextera octies centena recensita indicabit.

## IX. CM. CAP. XXIV.

**M**Edius demum ad extremam palma volam, una cum duobus inferioribus applicatus, ita ut totam obtegant, novem in sinistra constituit, in dextera novies centena.

## MULTITUDO. CAP. XXV.

**E**st etiam novenarius ipse numerus hieroglyphicus: quippe qui se non intra cutem contineat, sed <sup>Novenarius</sup> effusus plurimos significet, quod Theon observat in Arati carmine, *κίνσαγηρη κορώνη, non quod numerus.* novem, inquit, etates vivat, sed quod per quam diu, ut Tibullus.

Vivere Cornices multos dicuntur in annos.

Apud Nicandrum *κίνσαγηρη* leges, pro, aliquot præditum aculeis. Idem *κίνσα* ad *στρατηγούς* στρατούλας in Scorpis cauda ponit, cum septem tantum in ea compages enumerantur. Pro multis igitur novem posita interpres agnoscent, de quo satis in Scorpis commentario. Quin & Alcaeus Hydram *κίνσα* <sup>En. lib. 6.</sup> καλον eadem ratione dixit, cum Simonides eam *πεντηκοντάκι φαλον* tradat. Quem imitatus Maro, ita super ea:

Mmm. 2

Quina.